



Broj: 02-11-1431/26-AP-13  
Datum: 18.08.2026. godine

Na osnovu člana 69.stav 3 Zakona o javnim nabavkama („Službeni glasnik BiH“, broj: 39/2014, 59/2022 i 50/2024), člana 14. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovići“, broj: 1/2022 i 6/2023) i člana 12. Privremene statutarne Odluke Grada Zavidovići («Službeni glasnik Grada Zavidovići», broj: 4/2022), u predmetu dodjele ugovora o javnoj nabavci radova „Zimsko održavanje lokalnih cesta na području grada Zavidovići za sezonu 2026/2027. godina“ - LOT 2, Gradonačelnica donosi:

#### ODLUKU

o otkazivanju postupka javne nabavke radova „Zimsko održavanje lokalnih cesta na području grada Zavidovići za sezonu 2026/2027. godina“ - LOT 2

##### Član 1.

Postupak javne nabavke radova „Zimsko održavanje lokalnih cesta na području grada Zavidovići za sezonu 2026/2027. godina“ - LOT 2, pokrenut Odlukom Gradonačelnice broj broj 02-11-1431/26-AP-2 od 17.07.2026. godine putem otvorenog postupka, za koji je dana 20.07.2026. godine upućeno Obavještenje broj 1374-1-3-203-3-108/26 na objavu u Informacioni sistem „E-nabavke, o t k a z u j e s e.

##### Član 2.

Postupak javne nabavke radova „Zimsko održavanje lokalnih cesta na području grada Zavidovići za sezonu 2026/2027. godina“ - LOT 2, otkazuje se iz razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka.

##### Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

##### Član 4.

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

##### Član 5.

Ova odluka stupa na snagu danom donošenja.

#### O b r a z l o ž e n j e

Odlukom Gradonačelnice broj 02-11-1431/26-AP-2 od 17.07.2026. godine pokrenut je postupak dodjele ugovora za javnu nabavku radova „Zimsko održavanje lokalnih cesta na području grada Zavidovići za sezonu 2026/2027. godina“. Ova javna nabavka je podjeljena na

lotove, a za LOT 2: " Zimsko održavanje lokalnih cesta na području sliva rijeke Krivaja za sezonu 2026/2027. godinu" obuhvata sljedeće putne pravce: Vikovići-Mustajbašići, Brašljevine, Krivaja-Smailbašići-Fazlići, Vozuća-Sljivići-Crnjevo, Hodžoća Polje-Sljivići i Krivaja-Laz-Pašin Konak, u ukupnoj dužini 30,26 kilometara, (JRJN 45233141-9 - Radovi na održavanju cesta), procijenjena vrijednost (bez PDV-a) iznosi : 52.322,26 KM.

Postupak se proveo putem otvorenog postupka za koji je dana, 20.07.2026. godine upućeno Obavještenje broj 1374-1-3-203-3-108/26 na objavu u Informacioni sistem „E-nabavke“.

Na adresu Grada Zavidovići do krajnjeg roka za dostavu ponuda 10.08.2026. godine do 12,00 sati dostavljene su 4 (četiri) ponude i to ponude sljedećih ponuđača po prijemu prispjeća:

1. „IKAN“ d.o.o. ZAVIDOVIĆI;
2. „BN TRANSPORT“ d.o.o. ZAVIDOVIĆI;
3. GP „HELDOVAC“ d.o.o. ŽEPČE;
4. GTPD „POROBIĆ“ d.o.o. ZAVIDOVIĆI.

Komisija za javne nabavke zaprimila je pristigle ponude, izvršila njihovo otvaranje, te izvršila pregled i ocijenu ponuda prema zahtjevima i kriterijima iz tenderske dokumentacije.

Nakon utvrđivanja sadržaja svih podnesenih ponuda, Komisija je utvrdila da su sve ponude blagovremene, formalno ispravne i tehnički zadovoljavajuće, jer sadrže sve priloge tražene kao u sadržaju navedenom u tenderskoj dokumentaciji predmetne javne nabavke za LOT 2.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalifikovanosti ponuđača, te ocijenu prispjelih ponuda, u skladu sa kriterijima iz tenderske dokumentacije.

Nakon provedenog postupka e-aukcije dana, 17.08.2026. godine, Komisija za javnu nabavku Grada Zavidovića dostavila je Dopunu zapisnika o pregledu i ocjeni ponuda nakon E-aukcije za lot 2. broj: 02-11-1431/26 od 17.08.2026. godine u kojem je izvršila rangiranje ponuđača kako slijedi:

| R/br | Naziv/ime ponuđača               | Ponuđena cijena bez PDV-a |
|------|----------------------------------|---------------------------|
| 1.   | „BN TRANSPORT“ d.o.o. ZAVIDOVIĆI | 52.289,28 KM              |
| 2.   | GP „HELDOVAC“ d.o.o. ŽEPČE       | 52.289,28 KM              |
| 3.   | „POROBIĆ“ d.o.o. ZAVIDOVIĆI      | 52.316,00 KM              |
| 4.   | „IKAN“ d.o.o. ZAVIDOVIĆI         | 52.319,54 KM              |

Obzirom da je na osnovu izvještaja o toku i završetku e-aukcije od 17.08.2026. godine u predmetu javne nabavke radova „Zimsko održavanje lokalnih cesta na području grada Zavidovići za sezonu 2026/2027. godina“ LOT-2, utvrđeno da u rangiranju imamo dvije najniže identične cijene te se u predmetnom postupku primjenom kriterija „najniža cijena“ ne može izvršiti dodjela ugovora odnosno odabir ponuđača, a sve u skladu sa članom 69. stav 3. Zakona o javnim nabavkama Ugovorni organ donio je odluku o otkazivanju postupka javne nabavke.

Članom 69. u stavu (3) Zakona o javnim nabavkama, propisano je da je ugovorno tijelo može otkazati postupak javne nabavke samo zbog dokazivih razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Cijeneći pravilnost provedenog postupka dodjele ugovora o javnoj nabavci radova „Zimsko održavanje lokalnih cesta na području grada Zavidovići za sezonu 2026/2027. godina“ LOT -2, odlučeno je kao u dispozitivu ove Odluke.


#### POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.

Dostavljeno:

1. Učesnicima u postupku
2. U spis.

Akt pripremila:   
(Sanela Mulahasanović)



PO RJEŠENJU GRADONAČELNICE  
broj: 02-04-109/26-AP-10 od 23.02.2026. godine

POMOĆNIK GRADONAČELNICE  
Midhat Bajramović, dipl. ecc.